

GABUNGAN PEMUDA ASIA TENGGARA DI MESIR

Baharu-baharu ini sebuah pertubuhan yang memperjuangkan cita-cita Islam telah selamat didirikan di Mesir oleh pelajar-pelajar dari tanah air, Indonesia, Siam dan Filipina, Demikian dinyatakan oleh tuan Andi Solihin setiausahanya.


“Dengan hasrat meninggikan masyarakat Islam Tenggara Asia dan menyusun satu kehidupan masyarakat yang bebas dan merdeka – di antarabangsa-bangsa – diikat oleh tali persaudaraan saling harga menghargai dan hormat menghormati satu sama lain serta menyedari adanya persamaan anasir kebudayaan maka kami pemuda Asia Tenggara di Mesir yang terdiri dari wakil-wakil “Himpunan Pemuda Pelajar Indonesia”, “Persekutuan Melayu”, “Persekutuan Siam”, dan “Perwakilan Pelajar Filipina” menyusun piagam ini sebagai undang-undang dasar gabungan pertubuhan-pertubuhan pemuda Asia Tenggara. Demikian yang tercantum dalam mukadimah undang-undang dasarnya.

Dalam undang-undang dasarnya, Fasal 3, dinyatakan bahawa pertubuhan ini berdasar Islam, dan tujuannya ialah seperti yang terkandung dalam Fasal 4 iaitu:

(A) Bahagian dalam:

1. Membantu pemuda pelajar Asia Tenggara dalam mencapai cita-citanya.
2. Memperdalam semangat keislaman dan meninggi taraf umat Islam Asia Tenggara.
3. Mempertebal rasa persaudaraan dan merapat persatuan antarabangsa-bangsa Asia Tenggara dalam menghadapi pengaruh bangsa asing.
4. Menanamkan semangat kerjasama antarabangsa-bangsa Asia Tenggara.
5. Mengadakan hubungan rapat dengan parti-parti dan pemimpin-pemimpin di Asia Tenggara.

(B) Bahagian luar:



Anggota Majlis Pemimpin “Gabungan Pemuda Asia Tenggara” bergambar dengan Duta Besar Indonesia di Mesir, Tamzil Sutan Narajau.

1. Memberikan penerangan tentang kepentingan dan kedudukan bangsa-bangsa Asia Tenggara.
2. Mengadakan hubungan, kerjasama dan tukar menukar kebudayaan dengan bangsa-bangsa lain.
3. Menyokong perjuangan umat Islam di seluruh dunia.

Anggota-anggota Gabungan ini ialah:

Setiausaha Agung yang ia juga pemimpinnya: Andi Solihin (Indonesia). Naibnya: Yusuf Idris (Siam)
Hubungan Luar Negeri: Ibrahim Syarif (Malaya), Kewangan: Ghazali Abdul Wahid (Malaya), Pendidikan: Wan Ahmad Husin (Malaya), Sosial: Wan Ahmad Usman (Siam), Penerangan: Umar Idris (Indonesia), Riadah: Abdullah Karimi (Siam), Umar Idris (Indonesia): Anggota, dan Sulaiman Abdul Rahman (Filipina): Anggota.